

茅
卷
茅
二
冊

中汗出卽盜汗用酸棗仁白茯苓人參等分
爲末每服一錢米飲下
外臺秘要療刺入
肉中棗仁核燒存性爲細末水服之立出

簡誤

凡肝膽脾三經有實邪熱者勿用以其收斂
故也

檉木

黃檉也

味苦寒無毒主五藏腸胃中結熱黃

痺腸痔止洩痢女子漏下赤白陰傷蝕瘡療驚

氣在皮間肌膚熱赤起目熱赤痛口瘡久服通

神

惡乾漆 伏硫黃

雷公曰用生薑水浸半日取出晒乾用蜜塗文武火炙令乾每五兩用蜜三兩○李時珍

疏○黃檗稟至陰之氣而得清寒之性者也

曰黃檗性寒而沉○生用則瀉實火熟用則不傷胃○酒制則治中上○鹽水炙則治下

其味苦其氣寒其性無毒故應主五臟腸胃

蜜制長則治中○元李曰黃檗之用有二瀉膀胱心火一也利小便結二也除下焦濕腫三也痢

中結熱蓋陰不足則熱始結於腸胃黃痺雖

症先見血四也脾中痛五也補腎不足壯骨髓之也

由溼熱然必發於真陰不足之人腸澼痔漏

亦皆溼熱傷血所致洩痢者滯下也亦溼熱

干也腸胃之病女子漏下赤白陰傷蝕瘡皆

溼熱乘陰虛流客下部而成膚熱赤起目熱
赤痛口瘡皆陰虛血熱所生病也以至陰之
氣補至陰之不足虛則補之以類相從故陰
回熱解溼燥而諸證自除矣乃足少陰腎經
之要藥專治陰虛生內熱諸證功烈甚偉非
常藥可比也潔古用以瀉膀胱相火補腎水
不足堅腎壯骨髓療下焦虛諸痿癱瘕利下
竅除熱東垣用以瀉伏火救腎水治衝脈氣

逆不渴而小便不通諸瘡痛不可忍丹溪謂
得知母滋陰降火得蒼朮除溼清熱爲治痿
要藥得細辛瀉膀胱火治口舌生瘡

主治叅互

黃檗爲足少陰腎經藥然以柴胡引之則入
膽以黃連葛根升麻引之則入腸胃及太陰
脾經治溼熱滯下 佐牛膝枸杞地黃五味

子鼈甲青蒿則益陰除熱 佐甘菊枸杞地

黃芪藜女貞實則益精明目 得猪膽汁水

銀粉則主諸熱瘡有蟲久不合口 得鉛丹

則生肌止痛 得木瓜茯苓二朮石斛地黃

則除溼健步 佐白芍藥甘草則主火熱腹

痛 外臺秘要治口中及舌上生瘡剉黃檗

含之 千金方治小兒重舌以黃檗苦竹瀝

浸點舌上 肘後方治咽喉卒腫食飲不通

黃檗搗末苦酒和敷腫上佳 又方治傷寒

時氣溫病毒攻手足腫痛欲斷亦治毒攻陰
腫細剉黃檗五斤以水三斗煮漬之傷寒類
要同 葛氏方治食自死六畜肉中毒黃檗
末服方寸匕未解再服之 經驗方治嘔血
黃檗蜜塗炙乾杵爲末用麥冬湯調下二錢
匕立瘥 梅師方治癰疽發背或發乳房初
起微赤不急治之卽殺人搗黃檗末和雞子
白塗之 簡要濟衆方治吐血熱極黃檗二

兩蜜炙搗末每服二錢溫糯米飲調下 十
全博救方治小兒熱瀉黃檗削皮焙爲末用
薄米飲丸如粟大每服十九米飲下 深師

方治傷寒熱病口瘡黃檗削去粗皮蜜漬一
宿唯欲令濃含其汁良久吐更含若胸中熱
有瘡時飲三五合尤佳 衍義云檗木今用

皮以蜜炙與青黛各一分同爲末入生龍腦
一字研勻治心脾熱舌頰生瘡當搽瘡上有

涎卽吐又張仲景檿皮湯無不驗傷寒論中

已著 婦人良方治妊娠下痢白色晝夜三

五十行根黃厚者蜜炒令焦爲末大蒜煨熟

去皮搗爛如泥和丸梧子大每空心米飲下

三五十九日三服神妙不可述 潔古家珍

治赤白濁淫及夢洩精滑真珠粉丸黃檗炒

真蛤粉各一斤爲末煉蜜丸棗豆大每服一

百丸空心溫酒下黃檗苦而降火蛤粉鹹而

補腎也又方加知母炒牡蠣煨山藥炒等分
爲末糊丸梧子大每服八十丸鹽湯下 許
學士本事方治積熱夢遺心忪恍忽膈中有
熱宜清心丸主之黃檗末一兩片腦一錢煉
蜜丸梧子大每服十五丸麥冬湯下此大智
禪師方也 三因方治口疳臭爛綠雲散黃
檗五錢銅綠二錢爲末摻之漱去涎 聖惠
方治鼻疳有蟲黃檗二兩冷水浸一宿絞汁

蒲桃痛甚黃檗一兩乳香二錢半爲末槐花煎水調作餅貼於瘡上子母秘錄治小兒臍瘡不合者黃檗末塗之又方治臍瘡熱

臍瘡不合者黃檗末塗之
又方治臍瘡熱

瘡黃檗末一兩輕粉三錢猪膽汁調搽之或只用蜜炙黃檗末一味張杲醫說治火毒

生瘡凡人冬月向火火氣入內兩股生瘡其
汁淋瀝用黃檗末摻之立愈一婦生此火無

識者用此而愈
宣明方欽瘡生肌黃檗
麩糊調塗效

簡誤

黃檗固能除熱益陰然陰陽兩虛之人病兼
脾胃薄弱飲食少進及食不消或兼泄瀉或
惡冷物及好熱食腎虛天明作泄上熱下寒
小便不禁少腹冷痛子宮寒血虛不孕陽虛
發熱瘀血停滯產後血虛發熱金瘡發熱癰

疽潰後發熱傷食發熱陰虛小水不利痘後
脾虛小水不利血虛不得眠血虛煩躁脾陰
不足作泄等證法咸忌之

楮實味甘寒無毒主陰痿水腫益氣充肌膚明
目久服不饑不老輕身

雷曰水浸一日攪有浮水者去之晒乾以酒浸一伏時蒸熟焙用

疏○楮實稟土氣以生故其味甘氣寒無毒
氣薄味厚陰也降也入足太陰經其主水腫
益氣充肌膚者脾為土臟而主肌肉脾虛則

肌肉不充土虛則水溼泛濫甘爲土化能入
脾堅土則水腫消肌肉充氣自益矣明目者
目得血而能視脾旺自能生血也陰痿者精
氣竭也脾實則能生精而灌注於腎故陰自
強也補脾益氣則五臟皆實不饑不老輕身
是其驗矣

主治參互

活法機要治水氣蠱脹楮實子丸以潔淨府

釜

用楮實一斗水三斗熬成膏茯苓三兩白丁香一兩半爲末以膏和丸梧子大從少至多至小便清利脹減爲度後服治中湯養之忌甘苦峻補及發動之物

劉禹錫傳信方治

女子月經不絕來無時者取案紙三十張燒灰以清酒半升和調服之頓定蓐中血暈服之立驗已斃者去板齒灌之經一日亦活

聖惠方治癰瘰癧養血者葉島闢傳上外臺

秘要治天行病後兩脇脹滿臍下如水腫以
穀枝汁隨意服愈 用後方治鼻衄小勞輒

出楮葉取汁飲三升良 子母秘錄治小兒

下痢赤白作渴得水又嘔逆者搗葉炙香以
飲漿半升浸至水綠去葉以木瓜一箇切內
汁中煮二三沸去木瓜細細飲之 聖惠方

治通身水腫楮枝葉煎如飴空腹服一七日
三服 直指方肝熱生翳楮實研細食後蜜

湯服一錢日再服 外臺秘要治金瘡出血

穀子搗傅之

簡誤

楮實雖能消水補脾然氣亦微寒脾胃虛寒者不宜用

乾漆味辛溫無毒有毒主絕傷補中續筋骨填髓腦安五藏五緩六急風寒溼痺療欬嗽消瘀

血密結腰痛女子產後利小腸去蛇蟲

半夏為之使更長
雞子黃二錢解之
煮之